

U povodu Dana ljudskih prava, 10. decembra 2009. godine, ombudsman za djecu RS je razgovarala sa predstavnicima Mreže savjeta učenika srednjih škola. Cilj je bio upoznati se sa radom Mreže te pozvati srednjoškolce da budu saradnici Institucije na svim pitanjima za koje sami procijene da je njihov prioritet, a da institucija Ombudsmana za djecu može doprinijeti njegovom kvalitetnijem rješavanju. Prva od tema koja se nametnula bila je alkohol u školi, odnosno potreba da se ovaj problem adekvatno reguliše i sankcioniše.

Učenici su tom prilikom iznijeli iskustva iz svojih škola i pozitivna i negativna i izrazili spremnost da zajedničkim radimo na ovoj temi. Dogovoreno je da srednjoškolci obave istraživanje u srednjim školama o prisutnosti alkohola kod učenika te da predlože rješenje za poster, a Institucija će analizirati postojeću zakonsku regulativu u ovoj oblasti u RS i zemljama okruženja, te će zajedno, u februaru prezentovati rezultate do kojih dođu i uz pomoć stručnjaka za zaštitu zdravlja djece, predložiti mjere koje će učiniti odgovornijim sve one koji djeci prodaju alkohol, ili im ga poklanjaju ili tolerišu njihovu upotrebu alkohola.